

中南軍政委員會
民族事務委員會
材料字第 55 號

書田珍藏

資興縣志



書田珍藏

資興縣志

序

余忝厥職到三閔月矣正埽清積牘間適邑紳
諸董事持其前署任俞蔭棠田嶽堂兩大令先
後奉

大憲委修甯志而重輯之蒐采舊聞網羅以密
補闕漏訂舛謠懿行嘉言徵於文獻具見創脩
乃瘁得諸紳士助之誠苦心纂校三彌年而告
成屬余爲之序余悚然曰此帙既成甫寓于目

也未成之先余亦何與焉抑余言何足重哉況
復不敏中識淺薄兼奔走於南北之游方從事
于鞅掌之際何暇事英研遂辭之至再而請之
益堅以故卓爾操觚不能不塞其責膝心甚愿
篇竊思已之有志猶家之有乘國之有史也家
無乘則一族之倫紀弗修國無史則一代之典
章弗脩管蕭侯入秦先誇圖籍朱子茂政即覽
志書波豈爲是緩不及事之圖哉論治法以重

國

夫本原攷輿圖二分其畛域所四時之物產爲
詳賡設以辨其疆畛審險隘百防其捍禦而一
邑之守嚴焉至若仰觀天文俛察地理以及星
象職官山水形勢治體民風紀常節義之類渾
前明以訖
初經宰是邦之名公循吏包括無遺拾不勝屈
今讀其叙想像當日之教化遺風猶昭朕千古
詩云不競不綈不剛不柔斯在爲政者之精心

群畫而非有邑志之酌古準今則亦無以相浹
於其中而詳其實也後之相繼者能弗感且愧
乎夫經濟幾爲文章英士鍾乎靈毓其地未有
不固人而傳其人未有不固地而顯者都之人
士各勵前修上備

朝廷

有用之材下樹鄉里庶民之望以隆學校以振
文風人地日蒸民生自厚茂以禮樂誣書可以
興矣奚待初來守茲土者徒沿舊轍而贊其辭

但不敢泯始事者之功而妄自附名于著述之
末也云爾

時

光緒元年歲在乙亥仲夏之月下旬吉旦
知興甯縣事津邑劉錫九桂生氏譔并書



敘

興甯故柳縣地也周秦而上版隸荆楚山
川風土人物文章璘璣史冊古矣漢東始
置漢甯繼此而陽安晉甯資興唐宋以前
之籍無傳焉南宋理宗紹定改資興為興
甯徙治管子壕卽今之縣治也元明迄今
七百有餘歲矣其間時興時替天道上運

人事下更歲月日自成今古而山川風土
人物文章麟々炳々態態奕々於山清水
駛之際而縣々若接者清湫氣固蜿蜒扶
輿磅礴鬱積而不容卒闢也驗於古卽以
證於今簡策流傳不信而有徵乎余俗吏
未能深觀天人之際去春漫以鉛刀庖代
此邦兢々惟懼失墜夏始中丞李公隨

以續修通志 朝請而先飭府廳州縣各

續其志以備采擇夫郡邑有志郡邑之實

錄也興甯之志不一矣前明李陳王公端

然一代作者而國初綠房耿公復以中

州名宿啟興甯一代著作之猷雖其金書

不少槩見而序述論著附見於帶溪羅公

所纂一志者上自天文下綜地理中紀人

事原原本，見見聞，網羅而囊括之，斯不謂大備與？後之作者，卷帙雖繁，而其如瞻而不穢，詳而有體，時惟羅公志足以程式。余既奉中丞檄，即傳集城鄉紳士，周諮詢，度量材程，事籌費，開局懃者於茲已歲計矣。今余方解任，末由與諸君共歲厥事，心滋慙焉。惟人才隨氣運，為轉移，豪


傑奮興初無有待諸君誠深觀於天人之
際能為一朝人物即成一代文章上稽天
時下答人事明學校而秩典禮程建置而
經賦役職官著其績武備善其防忠孝節
義發其幽民生厚而灾沴消綱紀萬物駸
駸乎殆將與史冊爭古矣李陳王耿羅諸
先輩不且欣然把臂大雅作述之林哉選



舉一冊吾正於諸君覲氣運也後之膺斯
責者其能相與有成乎清泚蜿蜒扶輿磅礴
吾猶景山川風土而默々籲之

省

大清同治六年歲在丁卯夏仲上浣吉旦
勅授文林郎己酉拔貢辛亥順天鄉試舉
人大挑一等署郴州興甯縣事晉陽

郭樹馨謹撰





興甯縣志序

夫畫疆分理威治之常經懷
土樂生庶民之恆性古來聖君
賢相則壤土賦建官置吏
設為禮樂法度以垂範之凡
以為民也禹貢列其山川鎮澤